



## Universitätsbibliothek Paderborn

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1838**

LX. Bestätigung der Stadt Perleberg durch Markgraf Otto bei dessen Anwesenheit zu Kyritz im J. 1560.

[urn:nbn:de:hbz:466:1-54294](#)

## LIX. Markgraf Ludwig verpfändet dem Rath das oberste Gericht im J. 1359.

Wy Ludowich der Romer, van gots gnaden Marcgrae tu Brandenborch vnd tu Lufitz, des hlygen Romefchen Riks ouerste kemerer, palantzgraue bi Rin vnd Hertoge tu Beyern, Bekennen dat wi mit vulbort vnses bruders Marcgrae Otten vnd vnses rades hebben ghesat vnsen liuen ghetreuen Ratluden in vnser Stat perleberghe dat ouerste gerichte in der vorgenanten stadt vor druttich punt Brandenborchscher penninghe, dar si vns vul vor dan hebben. Vnd dat vorgenante gerichte vnd wat dar aue vellet und vrucht, scole si hebben vud vredelike beholden So lange, wente dat wie en weder geuen druttich punt bereides geldes oder Brandenborchs fuluers, als it eyne weringhe is. So scal dat ouerste gerichte wan wi vnf vorgenanten bruder oder vnser beider eruen die druttich punt bereidt vnde betalt hebben, als vorscreuen is, von den Ratmannen ledlich vnd los sin. Mit vestunghe des briues; darbi ghewesen fint die veste Lude hafte van wedel des valkenborch is, peter van Bredow vns Camermeister, hans hufener riddere, Henrik van der Sculenborch, Guntzel van Bertensleuen, Henningh van der Schulenborch, diderik morner probst tu Bernow, vns ouerste scriuer, vnd andere vele guder Lude, di gegeuen is tu perlebergh na gots bort dritteynhundert jar imme neyen vnd vestigesten jare an vnser vrouwen daghe als si geborn wart, besegelt mit vnsen cleynen Ingefegel.

Nach dem Original, woran jetzt das Siegel fehlt.

## LX. Bestätigung der Stadt Perleberg durch Markgraf Otto bei dessen Anwesenheit zu Kyritz im J. 1360.

Wy Otto van godes gnaden marggreue tu Brandenborch vnde tu Lufitz, des heylighen Romischen Rikes öuerste kemerer, palantzgreue bi Rin vnde hertoghe in Beirn, Bekennen openbar in dissem briene vor vns vnde vnsen liuen bruder hern Ludowiche deme Romer Marggrenten tu Brandenborch vnde vns eruen, dat wi willen vnde scholen die wisen Ratmanne, ghilden vnde ghemeyne burgher vnsen lieue ghetruwen in die stat tu parleberghe behalden vnde ewiklichen laten bi allen yren rechten, vrieheden gnaden vnde allen guden wonheyden, die sie von oldinghes ghehat hebben oder ghebruket hebben vnde willen en die meren vnde betern vnde nicht minnern oder krenken. Ock wil wi vnde scholen en die breue holden eweliken, die sie von olden vorsten marggrenten tu Brandenborch den god ghenedich, vnsen vorvaren vnde van den hochgeborenen hern Ludowiche deme olden vnde hern Ludowiche deme Romer marggrenten tu Brandenborch vnsen lieuen brudern hebben vnde ock vun vns hebben, vnde verneyen en ok die vnde stedighen en die mit dissem briue. Were auer dat si enghe briue hedden, die vordornen weren von oldere oder van engher ander redeleker vorsummenisse, die sie vornyet wolden hebben, die scholen wi en vornyen wamie sie dat von vns eyschen: vnde wi willen die liunge jres leenes vnde yres gudes, die wi nu dun, en stede vnde gantz holden. Mit orkund dieses briues, die vorseghele is mit vnsen Ingefeghele: dar ouer sin ghewesen die vesten manne hans der hufener, Ridder, wedegho van wedel, hinrick von der Schulenborch, dyderik prouist tu Bernowe vnde mer erbar lude ghenuch, Ghegheuen tu der kyritz nach godis ghebort drutteynhundert jar darna in deme festigesten jare des neghesten douredaghes nach deme Sondaghe alle man singhet: quasi modo geniti.

Nach dem Original, woran das Siegel fehlt.